

## **Gikuyu - Ciiraniro Maandiko - Promises Scriptures**

**Kiambiriria 20:6 Ngai agi cookeria Abimeleki arī o kirootoinī atirī, “Iī, nīnjūūi wekire ūguo na thamiri ītarī na ūcuuke, na nī niī ngūgirirīrie ndūkaahitīrie, na kwoguo ndirekeete ūmūthengerere.**

**Thaama 35:21,26 Na rīrī, mūndū o wothe weriraga gwīka ūndū ūcio agītwara mīhothi yake kūrī MWATHANI īrī ya gūthondeka Hema ya gūtūnganwo. Magīgītwara kīrīa gīothe kīabatarainie kūhūthīrwo nī ūndū wa gūthaathaiya o na nī ūndū wa gūtuma nguo cia ūthīnjīri Ngai. 26 O na ningī makīogotha ndigi cia guoya wa mbūri.**

**Ndari 10:35 Na rīrī, hīndī o yothe rīrīa Ithandūkū rīa Kīrīikanīro rīngīambirīrie gūthīi, Musa oigaga atirī, “MWATHANI, arahūka; hurunja thū ciaku, na arīa makūmeneete marokūrīra!”**

**Gūcokerithia Maathani 2:25 Kuuma ūmūthī gūthīi na mbere nīngūtūma andū oothe mamwītīre. Na rīrī, arīa oothe marīmūiguaga nīmarīmwītīgīra o na nīmarīinainaga nī guoya maigua rītwa rīanyu rīkīgwetwo.’**

**Gūcokerithia Maathani 9:3 Tondū ūcio nīmūkwīyonera na maitho maanyu, atī MWATHANI Ngai wanyu nī we ūkūmūtongoria ahaana ta mwaki wa kūniinana. Nī we ūgūthīi akīmahootaga mūgīthiaga o na mbere, nīguo na inyuī mūmaingate na mūmaanange na ihenya, o ta ūrīa aamwīrire.**

**Joshua 2:9 akīmeera atirī, “Nīnjūūi o ro wega atī MWATHANI nīamūheete būrūri ūyū, na andū oothe arīa matūrīraga būrūriinī ūyū nīmaramwītīgīra mūno.**

**1 Samūeli 17:48,50 Hīndī īrīa Goliathū aambirīrie gūthīi na kwī Daudi rīngī, Daudi agīteng'era aroreete na kūrīa mbütū ya ita ya Afilisiti yarī akahūrane na Mūfilisiti ūcio. 50 Nī ūndū ūcio Daudi agīkīhooata na akīrīraga Goliathū na kīgūtha na kahiga atarī na rūhiū rwa njora.**

**Esiteri 8:17 Na rīrī, ng'ongoinī ciothe na matūrainī moothe kūrīa watho ūcio wa mūthamaki wathoomagwo, Ayahudi no gūcanjamūka maacanjamūkaga magakena, magathondeka maruga, na magakīhuurūka kūrūta mawīra. Andū angī aingī nīmaagarūrūkire magītuīka Ayahudi tondū nīmaameetigīra.**

**Ayubu - Yobi 29:14 Hīndī ciothe ndeekaga o maūndū ma ūthingu na ngatuanagīra nūmīrīire kīhootho.**

**Thimo 13:11 Ūtonga wa gūuka na ihenya ūthiraga na ihenya, īndī ūtonga wa kuonwo na thithino nīütūrura.**

**Thimo 13:22 Mündū mwega atigagīra o nginya acükürū aake magai, īndī ūtonga wa mündū mwihia üigjirwo andū arīa athingu.**

**Thimo 22:22,23 Menya ūkaahinyirīria mūthīni tondū wī na ūhoti wa gwīka ūguo, kana ūhinyirīrie mündū ūtarī na hinya mwī ciirainī naake. 23 Nī amu MWATHANI nī we ūgatuīka wa kūmaarīria, na amarīhīrie harī arīa maramahinyirīria.**

**Isaia 35:8 Nīgūkaagīa barabara njarii, nayo īgeetagwo “Njīra Theru.” Andū arīa matarī athingu matikaamīgeragīra; īgaatuīka njīra ya andū arīa atheru. Andū arīa akīigu marī thīinī wayo matikaahītia njīra.**

**Isaia 43:2 Rīrīa ūkūgerera ndiainī ndiku ndīrīkoragwo ndī hamwe nawe; na mathīna maaku matirīkūmakagia. Rīrīa ūkūhītūkīra thīinī wa mwaki, mwaki ūcio ndūrīgūcinaga. Magerio ma hinya magūkorerera, matirīgūtīhagia o na atīa.**

**Isaia 49:25 MWATHANI aroiga atīri, ūguo nīguo gūgūtuīka. Mündū njamba nīegūtuunywo mabuthu maake na mūthamaki ūtarī tha atuunywo indo iria atahīte. Niī mwene nī niī ngūhūrana na arīa mararūa nawe, na no niī ngūhonokia ciana ciaku.**

**Isaia 54:17 Gūtirī indo cia mbaara igaathondekwo cia gūkūhūra, ikaahota gūkūhūra. Wee nawe nīrīkīragia mündū o wothe ūrīa ūrīgūthitangaga. Nī niī ndīgitagīra ndungata ciakwa na no niī ndīciheaga ūhootani.” Nī niī MWATHANI ndoiga ūguo.**

**Isaia 59:17,19 Akwīhumba ūthingu ta arī gako ga kwīgitīra gīthūri, egwīkīra ūhootani mūtwe ta arī ngobia, akīihumbe wendi mūnene wa gūthondeka maündū wega, na wa kūherithia na kūrīhanīria maūuru marīa andū meekītwo. 19 Kuuma mwena wa irathīro kinya wa ithūiro, gūtirī ūtakaahē rītwa na riiri wake gītīo. Naake agooka o ta rūūi rūraikania nī kūiyūra, na o ta kīhuuhūkanio kīa rūhuuho.**

**Isaia 61:10 Nīndīrīkenagīra MWATHANI Ngai wakwa na njanjamūkage, tondū nīanjīkīrīte nguo ya ūhonokio na ya ūthingu, o ta ūrīa mūhikania egemagia na mahūa, kana mūhiki na mathaga maake ma goro.**

**Ezekieli 22:30 Njetheete mündū o na ūmwe wao ūngīcookereria rūthingo, mündū ūngīhota kūrūūgama kūrīa rūmomokeete agitīre būrūri ndikawanange nī kūraakara, no ndioneete o na ūmwe.**

**Ezekieli 45:8 Gīthaka kīu gīgaatuīka igai rīa mūnene ūrīa ūratha būrūri wa Israeli nīguo ndakaanahinyirīrie, no areke andū arīa angī nao**

**magaîrwo bûrûri ūcio ūngî, kûringana na ūrîa mîhîrîga ya Israeli  
ïigana.**

**Danieli 4:16 Ngoro yake nîgarûrûke ïtige gûtuîka ya mûndû. Nîaheeo  
meciiria ma nyamû. Nîaikare ûguo mîaka mügwanja.**

**Danieli 7:4 Nyamû ya mbere yahaanaga ta mûrûüthi na yarî na mathagu  
ta ma rwîgî. Na rîrî, rîrîa ndacûüthîrîirie o ûguo, ngîona mathagu  
maayo maakûürwo, ïgîcooka ïkîoywo na igûrû, ïkîrûügamio na  
magûrû meerî ta mûndû. Na ningî ïkîheeo gîtaranio kîa mûndû.**

**Zakaria 4:6 Mûraika agîkînjîra nginyîrie Zerubabeli ndûmîrîri ya  
MWATHANI atîrî, “Ti ūngî wa thigari kana hinya waku mwene  
igaakûhotithia kûhootana, no nî roho wakwa ûgaakûhothia.**

**Mathayo 24:22 No Ngai nîanyiihanyiihîtie matukû macio ma mathîna,  
nî ündû korwo ndeekîite ûguo, gûtirî mûndû o na ûmwe  
ûngîkaahonoka. No nî ündû wa andû arîa aake athuure, matukû  
macio nîmakaanyiihanyiihio.**

**Mathayo 26:41 Mwîhûügee na mûhooe nîguo mûtikagüe magerioinî.  
Ngoro nîkwenda no mwîrî ndûrî na hinya.”**

**Mariko 10:48-52 Nao andû aingî maamûigua makîmükûuma, makîmwîra  
akire. Nowe agîkîrîrîria kwanîrîra, “Mûrû wa Daudi! Njiguîra tha!” 49  
Naake Jesû akîrûügama akîira andû mamwîte. Nao makîmwîta  
makîmwîra atîrî, “Úmîrîria na ûükîre nîaragwîta.” 50 Naake agîteania  
nguo yake ya igûrû agîteng'era harî Jesû. 51 Naake Jesû akîmûuria  
atîrî, “Ükwenda ngwîkîre atîa?” Naake akîmwîra atîrî, “Mûrutani,  
ngwenda o njooke kuona.” 52 Naake Jesû akîmwîra atîrî, “Wîthiire,  
gwîtîkia gwaku nîkuo gwatûma ûhone.” Ihinda o rîu akîambîrîria  
kuona, akîrûmîrîra Jesû. (Mathayo 20:30-34)**

**Mariko 16:20 Nao arutwo magîthiî makîhunjia Ûhoro kûndû guothe,  
naake Mwathani nîakoragwo hamwe nao, ageekagîra ûhoro wao  
hinya na ciama iria maaringaga. Ameni.**

**Luka 14:23 Naake mwathi wayo akîmwîra atîrî, ‘Thiî barabarainî iria  
nene o na tûrîa tûniini ûhatîrîrie andû mooke gûükû gwakwa nî  
geetha nyûmba ïiyûre.**

**Luka 21:15 nî ündû, nîngaamûhe mîario na ûugî ûrîa ûtakaahota  
kûümîrîrio kana gûkarario nî mûndû o na ûmwe wa thû cianyu.**

**Luka 21:36 Koragwoi mwîhaarîirie hingo ciothe mûkîhooyaga atî mûgîe  
na hinya wa kweherera maündû macio moothe mageekîka, na  
mûkaarûügama mbere ya Mûrû wa Mûndû.”**

**Johana 17:15 Ndirakûhooya atî ûmarute gûükû thî, no ûrîa**

**ndīrakūhooya nī atī ūmamenyagīrīre kuuma kūrī Ūrīa Mūru.**

**Atūmwo 11:23 Rīrīa aakinyire kuo akīona ūrīa Ngai aatugīite andū aake agīkena, na akīmathaitha oothe maikarage mehokeete Mwathani na mehandīite wega ūhoroinī wake.**

**Atūmwo 13:48 Rīrīa andū a Ndūrīrī maiguire ūguo, magīkena na makīgooca ūhoro wa Mwathani; arīa oothe maathuriitwo a kuona muoyo wa tene na tene magītikia.**

**1 aKorintho 10:13 Maündū marīa mūgereetio namo kinya rīu no marīa makoragīrīra andū. No rīrī, Ngai nīaigaga ciīranīro ciake, na ndarī hīndī akaareka magerio makīrie hinya ūrīa mwī naguo; hīndī ūrīa kwagīa magerio, nīarīmūheaga hinya nīguo mūndū akahota kūmeetiiria na kūmoomīrīria.**

**1 aKorintho 16:9 tondū gūukū kwī na mweke mwega wa wīra, na nī wīra wī na uumithio, o na akorwo kwī na mīhīngī.**

**2 aKorintho 12:9 Naake akīnjīira atīrī: “Wega wakwa nīukūiganīte, tondū hinya wakwa nīwonekaga harīa hatarī na hinya.” Kwoguo nīngwīraha ndī na gīkeno nī ūndū wakwa kwaga hinya, nīguo hinya wa Kristū ūikarage thīinī wakwa.**

**aEfeso 6:11 Mwīhumbee matharaita ma mbaara marīa Ngai aheanaga nīguo mūhote kwīgita mawara mooru ma Ngoma.**

**aHibiranīa 1:7,14 Ha ūhoro wa araiaka Ngai oigire atīrī, “Ngai atuaga araiaka aake huuho, arīa mamūtungatagīra akamatua nīnīmbī cia mwaki.” 14 Araika-rī, makīrī a? O nī maroho marīa matungatagīra Ngai, na nīmatūmagwo magateithie andū arīa makaahonokio nī Ngai.**

**Jakubu 4:7 Kwoguo kīheyageei Ngai gītīo. Reganaai na ngoma na nīekūura amweherere.**

**1 Petero 5:10 No wona mwanyariirīka kwa ihinda iniini, Ngai mwene wega wothe, o we wamwītire mūgae riiri wake wa tene na tene mwī thīinī wa Kristū, nīekūmūtua aagīrīru, na amūikaragie mūrī arūmu, mwī na hinya, na mwī na mūthingi ūrīa wa ma.**